




NIRAS



pwc



## Inuiaqatigiit aningaa- saqarniarnerannut sunniutaasussanik naliliineq

---

Kalaallit Nunaanni erngup  
nukinganik suliniutit

---

NAALAKKERSUISUT, GOVERNMENT OF GREENLAND

---

NUTARTERNEQARPOQ 18. MAAJI 2021

# Imarisai

<b>1</b>	<b>Eqikkaaneq</b>	<b>4</b>
1.1	Inuiaqatigiit aningaasaqarniarnerat	4
1.2	Ingerlatsinermi aningaasaqarniarneq	5
<b>2</b>	<b>Tunuliaqutaa</b>	<b>5</b>
<b>3</b>	<b>Assersuut tunngaviusoq aamma assersuutit allat</b>	<b>6</b>
3.1	Assersuut tunngaviusoq	6
3.2	Assersuut A – Qasigiannuani Aasiannilu erngup nukinganik nukissiorfiliorneq	7
3.3	Assersuut B – Nuummi Utoqqarmiut Kangerluarsunnguanni nukissiorfiup allilernerat	7
3.4	Assersuut C – Nuummi Utoqqarmiut Kangerluarsunnguanni erngup nukinganik nukissiorfiup allineqarnera aamma Qasigiannuani Aasiannilu erngup nukinganik nukissiorfiliorneq	8
<b>4</b>	<b>Inuiaqatigiit aningaasaqarniarnerat</b>	<b>8</b>
4.1	Tunngavigineqartut	8
4.1.1	Qasigiannuani Aasiannilu nukissamik pisariaqartitsinermit tunngavigineqartut	9
4.1.2	Nuummi nukissamik pisariaqartitsinermit tunngavigineqartut	11
4.2	Inuiaqatigiit aningaasaqarniarnerat pillugu misissueqqissaarnerup inernerit	15
4.3	Malussarissutsimut misissuinerit	15
4.3.1	Orsussat akii	15
4.3.2	Kingumut nalilernissaanut erniat aamma aningaasaliinermit aningaasartuutit	17
4.3.3	Innuttaasut amerliartornerat piffissarlu atorneqartoq	18
4.3.4	CO <sub>2</sub> -mut aningaasartuutit, innaallagissamik atuinerulerneq nukissallu pilersinneqarsinnaasup annertussusiata naatsorsornera	18
4.4	Inuiaqatigiit aningaasaqarniarnerannik misissueqqissaarnerup inernerit	19
<b>5</b>	<b>Ingerlatsinermi aningaasaqarneq</b>	<b>19</b>
5.1	Ingerlatsinermi aningaasaqarnermik misissuineq	19
5.2	Naatsoorsuutigisat tunngaviusut	20
5.3	Inernerit	21
5.4	Malussarissutsimik misissuinerit	23
5.4.1	Aningaasap nalikilliarternera aamma kingumut nalilernissaanut erniat	23
5.4.2	Orsussat akii aningaasaliinissamullu aningaasartuutit	24

5.4.3	Atukkiinermi erniat aamma innuttaasut amerliartornerat	24
5.5	Ingerlatsinermut aningaasaqarnerup misissornerani inerniliussaq	25
<b>6</b>	<b>Akiitsut ineriartornerannik misissueqqissaarneq</b>	<b>26</b>

---

---

# 1 Eqikkaaneq

Qasigiannuani, Aasianni Nuummilu erngup nukinganik suliniutitut pilersaarutaasut ingerlateqqinnissaat isumatusaarnerneruq paasiniarlugu aalajangiinissamut tunngavissaqarnissaq anguniarlugu inuiaqatigiit aningaasaqarniarnerannik misissueqqissaarneq una suliarineqarpoq.

Misissueqqissaarnermi suliniutitut assersuutit pingasut assersuummut tunngaviumut sanillersuunneqarput. Assersuummi tunngaviumi erngup nukinganik suliniutinik naammassinnittoqassanngilaq. Suliniutitut assersuutit pingasuusut ukuupput:

- Assersuut A: Qasigiannuani Aasiannilu erngup nukinganik nukissiorfik nutaaq
- Assersuut B: Nuummi Utoqqarmiut Kangerluarsunnguanni erngup nukinganik nukissiorfiup allineqarnera
- Assersuut C: Qasigiannuani Aasiannilu erngup nukinganik nukissiorfik nutaaq aamma Nuummi Utoqqarmiut Kangerluarsunnguanni erngup nukinganik nukissiorfiup allineqarnera (assersuutit ataatsimoortillugit)

Assersuutit tamarmik innuttaasut inuussutissarsiornerullu nukissamik pisariaqartitsinerannik imaqarput, tassa kiassarneq innaallagiarlu eqqarsaatigalugit. Nukissamik pisariaqartitsineq qanoq matussuserneqassanersoq assersuutini sisamani assigiinngitsutigut takutinneqassaaq. Assersuut nukissamik pisariaqartitsineranut akikinnerpaamik matussusiisoq tassaavoq inuiaqatigiit aningaasaqarnerannut imminut akilersinnaanerpaaq.

Inuiaqatigiit aningaasaqarniarnerannut misissueqqissaarneq NIRAS-imit suliarineqartoq ingerlatsineranut aningaasaqarniarneranut misissueqqissaarnermik PwC-mit suliarineqartumik ilaneqarpoq.

## 1.1 Inuiaqatigiit aningaasaqarniarnerat

Inuiaqatigiit aningaasaqarniarnerannut tunngasumik misissueqqissaarnerup takutippaa inuiaqatigiit aningaasaqarniarnerannut akikinnerpaassasoq assersuut ataatsimoortut (C) suliarigaanni, tassalu Nuummi Utoqqarmiut Kangerluarsunnguanni erngup nukinganik nukissiorfiup allineqarnera aamma Qasigiannuani Aasiannilu erngup nukinganik nukissiorfik nutaaq. Assersuummi tassani assersuummut tunngaviumut sanilliullugu aningaasartuutit 40%-ingajannik annikinnerussapput.

Nuummi alliliineq (B) kisimiilluni assersuummut tunngaviumut sanilliulluni 35 %-imik aningaasartuutitakinneruvoq, uuttortaatillu pingaarnerit eqqarsaatigalugit allannguutinit sunnerneqarpiarnaviarani, matumunnga ilanngullugu orsussat akii, aningaasaliinermi aningaasartuutit, innuttaasut amerliartornissaannut naatsorsuutigisat il.il. malussarissutsinut tunngasut taakku Nuummi alliliinerup assersuummut tunngaviumut sanilliullugu inuiaqatigiit aningaasaqarniarnerat eqqarsaatigalugu imminut akilersinnaaneranut sunniinngilaq.

Qasigiannuani Aasiannilu erngup nukinganik nukissiorfiliorneq (A) assersuummut tunngaviumut sanilliullugu 5 %-ingajammik aningaasartuutitakinneruvoq taamaalillunilu assersuut B-mut sanilliulluni malussarinnerulluni. Aatsaalli uuliap akia 20 %-ip missaanik apparpat imaluunniit aningaasaliinermi aningaasartuutit 50 %-imik annertusippata Assersuut B assersuummit tunngaviumit imminut akilersinnaannginnerulissaaq.

## 1.2 Ingerlatsinermi aningaasaqarniarneq

Utoqqarmiut Kangerluarsunnguanni erngup nukinganik nukissiorfiup allineqarnissaa taavalu Aasianni Qasigiannuanilu erngup nukinganik nukissiorfiliornissaa (assersuut C) ataatsimut isigalugu pilersuinermit suliffeqarfimmut oqartussanit pigineqartumut imminut akilersinnaanerpaasoq ingerlatsinermi aningaasaqarnermut misissueqqissaarnerup takutippaa. Inuiaqatigiit aningaasaqarniarnerannut tunngatillugu misissueqqissaarnerup inerniliussaa assigivaa, tassanimi assersuut taanna inuiaqatigiit aningaasaqarniarnerannut aningaasartuutaanginnerpaasoq erserpoq.

Pissutsit pingaarutillit pingasut inerniliussamut tassunga tunngaviupput, assersuutinullu nalilersorneqartunut pingaarnersiunermit pingaaruteqarlutik:

- Nuummi innuttaasut amerliartornerisa kingunerisaanik aningaasat isertitat amerlinerat kiassarnermilu inuinnarnit pilersorneqarnermit pisortanit pilersorneqarnermut nuunneq.
- Uuliamit erngup nukinganut nuunnermi orsussamut aningaasartuutaasussaraluit sipaarneqarnerat.
- Ingerlatsinermi aningaasaqarniarnermi iluanaarutit aningaasaliinermit aningaasartuutit qaangerpaat.

Qulaani taaneqartut tunngavigalugit assersuut B, tassa Utoqqarmiut Kangerluarsunnguanni erngup nukinganik nukissiorfimmi taamaallaat allilerisoqarnera, pilersuinermit suliffeqarfimmut pisortanit pigineqartumut ingerlatsinermi aningaasaqarniarnikkut pitsaasumik aamma kinguneqassaaq.

Inernerusut piumasaqaatini atorneqartuni annertuumik allannguisoqaraluarpat nikippiarnaviangillat. Tassami taamaallaat sanaartornermi aningaasartuutit 50%-imik qaffassappata ingerlatsinermi aningaasaqarniarnikkut iluanaarutissat assersuut C-mi assersuut B-mit annikinnerussapput.

## 2 Tunuliaqutaa

Nukissamik pilersuineq pisortanit ingerlanneqartoq sapinngisamik 2030-mi nukimmik ataavartumik tunngaveqarnissaa Naalakkersuisut anguniagaraat. Qasigiannuani Aasiannilu innuttaasut 4.300-t missaat maanna annerusumik ikummatissanik uulianeersunik innaallagissamik kiassarnermillu pilersorneqarput, kiassarnerlu annermik kiassaait uuliatortut atorlugit ingerlanneqartarluni. Pisortanit pilersorneqartuni uuliamik atuineq tamakkiisoq eqqarsaatigigaanni illoqarfiit taakku marluk 20%-iata missaanik atuisarput. Nuummi pisortanit nukissamik pilersuinermit nukissap 99 %-iata missaa nukissamit ataavartumit pivoq, annersaalu Utoqqarmiut Kangerluarsunnguanni erngup nukinganik nukissiorfimmit innaallagissameersuulluni. Nuummi aamma kiassaatinik uuliatortunik pillit amerlapput, taakkuli tamanut kiassarnermik pilersuinermit atangillat.

Erngup nukinganik nukissiorfiliorneq Qasigiannuani Aasiannilu pilersuisussamik Nuummilu erngup nukinganik nukissiorfiup allilerneratigut nukissamik ataavartumik atuineq annertusisinnaavoq taamaalillunilu Naalakkersuisut Nukissiuuteqarnermut imermillu pilersuinermit immikkoortumut pilersaarutaanni anguniakkami pingaarnermut, 2030-mi sapinngisamik nukissamik ataavartumik atuinissamik anguniagaannut, naapertuulluni.

Qasigiannuani, Aasianni Nuummilu erngup nukinganik suliniutitut pilersaarutaasut ingerlateqqinnissaat isumatusaarnerunersoq paasiniallugu aalajangiinissamut tunngavissaqarnissaq anguniarlugu inuiaqatigiit aningaasaqarniarnerannik misissueqqissaarneq una suliarineqarpoq. Misissueqqissaarnermi suliniutitut assersuutit pingasut tunngaviummut assersuummut sanillersuunneqarput, tassani erngup nukinganik suliniutit qulaani eqqaaneqartut suliarineqassanngillat.

Taassuma saniatigut ingerlatsinermi aningaasaqarniarnermut tunngasumik misissueqqissaartoqarpoq, taassumalu imaraa pilersuinermit suliffeqarfiup pisortanit pigineqartup ingerlatsinermi aningaasaqarniarneranut suliniutit qanoq sunniuteqassanersut misissorneqarlutik.

### **3 Assersuut tunngaviusoq aamma assersuutit allat**

Inuiaqatigiit aningaasaqarniarnerat aamma ingerlatsinermi aningaasaqarniarneq pillugu misissueqqissaarnermi assersuutit assigiinngitsut sisamat misissoqqissaarneqarput. Assersuut siulleq tassaavoq assersuut tunngaviusoq, assersuutitut allanut sanilliunneqartoq. Ataani assersuutit taakku sisamat sukumiinerusumik nassuiarneqarput, qanorlu misissueqqissaarnermi inernerusut paasineqassanersut nassuiarneqarlutik. Assersuutini tamani innuttaasut inuussutissarsiutillu tamakkiisumik nukissamik pisariaqartitsinerisa matussuserneqarnerat nassuiarneqarpoq, tassa kiassarneq innaallagiarlu taakkunungalu atatillugu aningaasartuutit. Nukissamik pisariaqartitsinerup qanoq matussuserneqarnera assersuutini sisamani assigiinngillat.

#### **3.1 Assersuut tunngaviusoq**

Nuummi nukissiorneq ullumikkut annermik erngup nukinganik nukissiorfimmit erngup nukinganik tunngaveqarpoq, eqqakkanik ikuallaanermi ungasianit kiassarneq pilersinneqartoq, privatimillu kiassaateqarfinit uuliamik ikummateqartunit kissaq.

Qullernut innaallagiarlu erngup nukinganik nukissiorfimmeerpoq taassumalu saniatigut sullitanut innaallagiarlu kiassarnermut atorneqartoq kipitinneqarsinnaanngitsulinnut innaallagissamik pilersuisoqartarluni. Innaallagissiornermi sinneruttoq ungasianit kiassaateqartut innaallagiarlu kiassarnermut atorneqartoq kipitinneqarsinnaasutullu atorneqartarpoq.

Qasigiannuani Aasiannilu kiassarneq kiassaateqarfinit uuliamik ikummateqartuninngaanneerpoq privatimillu uuliatortunik kiassaatilinninngaanneersuulluni. Innaallagissiorneq dieselitortunik nukissiorfinngaanneerpoq, kissarlu sinneruttoq ungasianit kiassaateqartut atorneqartarluni.

Assersuummi tunngaviusumi Nuummi Utoqqarmiut Kangerluarsunnguanni erngup nukinganik nukissiorfimi allilerisoqassanngilaq imaluunniit Qasigiannuani Aasiannilu pilersuisussamik erngup nukinganik nukissiorfiliortoqassanngilaq. Nuummisaaq misissueqqissaarnerup aallartinnerani nukissiorfimi innaallagissiorneq appartinneqartussatut misissorneqarpoq, sapinngisamik annertunerpaanik piffissaq ungasissoq eqqarsaatigalugu innaallagissiorneq anguniarlugu.

Assersuummi tunngaviusumi erngup nukinganit innaallagissiornermi allilerisoqarfiunngitsumi siunissami nukissamik pilersuinermi aningaasaliisoqarnissaanik pisariaqartitsinissamik misissuisoqarpoq, illoqarfinni nukissaq pisariaqartinneqartoq matussuserniarlugu. Nuummi inuit amerliartornerat tunngavigalugu nukissamik pisariaqartitsisoqarnerulernissaa ilimagineqartoq uuliamik atuinerulernermik kinguneqassangatinneqarpoq, pisortanit kiassarnermik innaallagissamillu pilersuinermi ilaatigullu inuinnaat kiassaataanni uuliamik ikummateqartuni. Qasigianguani Aasiannilu, innuttaasut amerliartussangatinneqanngillat, siunissamilu uuliamik atuinerulertoqarnissaa ilimagineqanngilaq.

Assersuummi tunngaviusumi nukissiorfinni dieselimik ikummateqartuni aningaasaliisoqarnissaanik assersuusiortoqarpoq, ungasianit kiassaatiilornermi iluaqutaasussanik ilaatigullu innaallagissiornermut, illoqarfinni taakkunani pingasuni, siunissami erngup nukinganik nukissiorfiliortoqarsinnaananilu allilerisoqarsinnaanngitsumi.

### **3.2 Assersuut A – Qasigianguani Aasiannilu erngup nukinganik nukissiorfiliorneq**

Assersuut A-mi Qasigianguani Aasiannilu pilersuisussamik erngup nukinganik nukissiorfiliortoqassaaq. Nukissiorfinni dieselimik ikummatilinni innaallagissiornermut kissamillu pilersitsinermut taarsiullugu erngup nukinganik nukissiorfik atorneqassaaq, inuinnaallu kiassaataat uuliatortut kissamik pilersitsinerisa ilaannut taarsiunneqassalluni. Qasigianguani Aasiannilu erngup nukinganik nukissiorfiliornermik aningaasaliinerup imarai turbinenik, transmissionsledninginik, aqutinik amerlisaanernik aningaasaliineq taavalu Qasigianguani Aasiannilu illuni innaallagiq kiassarnermut atorneqartoq kipitinneqarsinnaasumik ikkussuineq.

Assersuut A-mi nukissiorfinni dieselimik ikummatilinni innaallagissiornermut kiassaatinillu uuliatortunit kiassarnermut taarsiullugu erngup nukinganik nukissiorfik atorneqassaaq. Assersuummi ilimagineqarpoq innuttaasut ungasianit kiassaatillit innaallagiq kiassarnermut atorneqartoq kipitinneqarsinnaasumik ikkussuinissaat, tamannalu aamma innuttaasunut uuliatortunik kiassaateqarsimasunut atuuppoq.

### **3.3 Assersuut B – Nuummi Utoqqarmiut Kangerluarsunnguanni nukissiorfiup allilernerata**

Assersuut B-mi taamaallaat Nuummi Utoqqarmiut Kangerluarsunnguanni nukissiorfiup allilerneqarnissaa pineqarpoq.

Imeqarfiup allinissaa anguniarlugu imeqarfissamut nutaamut putorsualiornissamik allilerineq imaqarpoq, turbinemik ilasaanik aningaasaliineq, innaallagissamik kiassarnermut atortussamik kipitinneqarsinnaasumik aningaasaliineq illut uuliatortunik kiassaatillit atulerniassammassuk, ungasianillu kiassarnermut aqquit amerlissinneqarneri.

Utoqqarmiut Kangerluarsunnguanni nukissiorfiup allilerneqarnerata kinguneranik innuttaasut nutaat erngup nukinganik nukissiorfimmit innaallagissamik pilersorneqarsinnaalissapput, innuttaasullu uuliatortunik kiassaatillit innaallagiq kiassarnermut atorneqartoq kipitinneqarsinnaasoqalersinnaassallutik.

Innaallagialq kiassarnermut atornegartoq kipitinnegarsinnaasumik ikkussuineq Utoqqarmiut Kangerluarsunnguanni nukissiorfiup allilerneqarneranut aningaasaliissutissatut missingersuummi ilaavoq, sullitalu innaallagialq kiassarnermut atornegartoq kipitinnegarsinnaasoqareersut uuliatortumik kiassaammik sillimmateqartariaqarnissaat naatsorsuutigineqarpoq<sup>1</sup>. Innuttaasut ungasianik kiassarnermik imaluunniit innaallagialq kiassarnermut atornegartoq kipitinnegarsinnaanngitsumik pilersorneqareersut Assersuut B-mi taakkuninnga pilersorneqaannassapput.

### **3.4 Assersuut C – Nuummi Utoqqarmiut Kangerluarsunnguanni erngup nukinganik nukissiorfiup allineqarnera aamma Qasigiannuani Aasiannilu erngup nukinganik nukissiorfiliorneq**

Assersuut A aamma B imminnut atanngillat. Ima isumaqarpoq, assersuut B piviusunngortinneqassappat taava Qasigiannuani Aasiannilu nukissiornermut tamanna sunniuteqassanngilaq, illuatungaanullu aamma, assersuut A piviusunngortinneqassappat, taava Nuummi nukissiornermut sunniuteqassanngilaq.

Assersuut C-mi assersuutit A aamma B piviusunngortinneqassapput, tassa imaappoq, Utoqqarmiut Kangerluarsunnguanni erngup nukinganik nukissiorfik allineqassaaq, erngullu nukinganik nukissiorfik nutaaq Qasigiannuani Aasiaallu eqqaanni pilersinneqassaaq. Assersuutit marluk imminnut atannginneri naatsorsuutigigaanni, assersuutillu marluk taakku assersuummit tunngaviumit aningaasartuutitaqannginneruppata, taava assersuut C ataatsimut isigalugu aningaasartuutitakinneqassaaq, taamaallilunilu assersuutini tamani sisamani immi akilersinnaanerpaassalluni. Assersuutigalugu assersuut B taamaallaat immi akilersinnaassappat, taava assersuut B assersuut C-mit immi akilersinnaanerussaaq, tassami assersuummit tunngaviumit aappaa taamaallaat pitsaaneruppat suliniutit marluutillugit piviusunngortinngikkaanni pitsaanerussaaq.

## **4 Inuiaqatigiit aningaasaqarniarnerat**

### **4.1 Tunngavineqartut**

Inuiaqatigiit aningaasaqarniarnerat pillugu misissueqqissaarnek assigiinngitsunik pingaarutilinnik tunngaveqarpoq. Misissueqqissaarnermi piffissaq naatsorsuiffiusoq tassaavoq ukiut 80-it, 2021-mit 2100-mut. Ukiorpasuupput, ukiulli taakku aalajangiunneqarput erngup nukinganik nukissiorfiit teknikkikkut atasinnaassusiat tunngavigalugu. Nukissiorfiit naapertorlugit Kalaallit Nunaanni erngup nukinganik nukissiorfiit teknikkikkut ukiuni 80-100-ni atasinnaassangatinneqarput, piffissallu taassuma iluani erngup nukinganik nukissiorfinni annertuumik aningaasaleeqqittoqarnissaa naatsorsuutigineqanngilaq. Tunngaviumili tassani pingaarutilimmi malussarissutsimik misissuisoqarpoq taamaalliluni ukiut 30-t aamma 60-it atorlugit misissuisoqarluni.

<sup>1</sup> Assersuutini tamani tamanna atuuppoq.



Misissueqqissaarnermi kingumut nalilernissaanut erniat atorneqartoq 4 %-iuvoq, Inuiaqatigiit aningaasaqarneranni sunniuteqaatissanik naliliinermi saqqummiussinissamut ilitersuut takuuk<sup>2</sup>, piffissamilu tamarmi atuulluni.

Misissueqqissaarnermi aningaasaliinermi aningaasartuutit naatsorsornerini kisitsisit pingaarullit Danmarkimi atuuttut atorneqarsimatillugit, 35%-imik ilaneqartarput, nunatsinni sanaartornermi aningaasartuutit Danmarkimut sanilliullugit qaffasinnerusarnerat tunngavigalugu.

Misissueqqissaarnermi uuliap akia pingaarutilittut inissisimavoq, tassami assersuutini assigiinngitsuni uuliamik atuneq assigiinngitsorujussuupput. Misissueqqissaarnermi 2021-mi uuliap akia tunngavigineqartoq tassaavoq literimut 5,35 kr. akillu ineriartornissaat naatsorsuutigineqarpoq<sup>3</sup>. Akit ineriartornerat uuliat akiinik misissueqqissaarnermit Naalakkersuisut allamut tunngatillugu suliaritissimasaannit tiguneqarpoq, taassumalu tunngavigai assigiinngitsuninngaanniit takorluukkat nutartikkat assigiinngitsut. Misissuinerit assigiinngitsut akornanni, uuliap akiinik misissueqqissaarnermi assigiinngitsuni atorneqartussanik, assigiimmik tunngavilimmik naatsorsuisoqartarnissaa Naalakkersuisut kissaatigisimavaat. Taamaattumillu uuliap akiisa ineriartornissaanut missingiussat assingi uani misissuinermi atorneqarput. Taamaattumillu ima isumaqarpoq uani misissuinermi uuliap akiisa ineriartornissaannut naatsorsuinermit tunngavigineqartoq appasinneruvoq Danmarkimi Energistyrelsen naatsorsugaaninngaanniit, taannalu Internationale Energiagentur-imit kisitsinik tunngaveqarpoq. Energistyrelsen akit ineriartornissaannut naatsorsuineri ilaatigut malussarissutsinut naatsorsuinermi atorneqarpoq, immikkoortoq 4.3.1. takuuk.

#### **4.1.1 Qasigiannuani Aasiannilu nukissamik pisariaqartitsinermit tunngavigineqartut**

Immikkoortumi uani assersuummut tunngaviumut naatsorsuinermit tunngavigineqartut allaaserineqassapput, Qasigiannuani Aasiannilu aammalu Assersuut A-mi, illoqarfinnik taakkuninnga marlunnik pilersuisussamik erngup nukinganik nukissiorfiliorqarluni.

Qasigiannuani Aasiannilu piffissami tamarmi innuttaasut amerlassusii allanngunngitsutut naatsorsorneqarpoq. Taamaattumillu nukissamik pisariaqartitsineq taamaaginnarpoq. Illut amerlassusii agguaqatigiissillugu illumi ataatsimi inuit qassiineri naapertorlugit missingersugaapput.


Qasigiannuani Aasiannilu inummut ataatsimut innaallagissamik atuneq 5 MWh missaatut naatsorsorneqarpoq, ukiumullu kiassarnermik atuneq 29 MWh-itut naatsorsorneqarluni. Nuummi illumi ataatsimi kiassarnermik atunerup marloriaatipajaarivaa, Nukissiorfiillu nassuiaaneratigut tamanna issinneruneranik illullu nammineq sanaat illullu ilaqutariinnut ataatsinut sanaat amerlanerunerannik pissuteqarpoq, taakkulu Nuummi illunit oqorsarnerlugaanerupput. Assersuummi tunngaviumi ukiumut 20 GWh-ip missaanik innaallagissiorqartarpoq, ukiumullu 24 GWh-ip missaanik ungasianillu kiassarniliorqartarluni. Innaallagissiorneq kiassarnerlu uuliamik ikummateqarnermit pisuupput, ungasianilli kiassarnermik pilersitsinerup ilaa innaallagissiornermit sinneruttumit pisarpoq. Kiassarneq

<sup>2</sup> <https://naalakkersuisut.gl/~media/Nanoq/Files/Attached%20Files/Finans/DK/oekonomisk%20politik%202015/Vejledning%20i%20fremstilling%20af%20samfundsokonomiske%20konsekvensvurderinger%20-%20final%20-%20DK%20-%20april%202015.pdf>


<sup>3</sup> Akit piviusut

ukiumut 105 GWh-ip missaa inuinnaat kiassaataannit uuliatortunit allanngortitsinikkut pilersinneqarsinnaasut Nukissiorfiit missingersorpaat. Ukiumut kiassarnermik pisariaqartitsineq katillugu taava 130 GWh-iuvoq, innaallagissamillu pisariaqartitsineq ukiumut 20 GWh-ip missaatut annertutigaluni. Ilusiliat ataaniittut takutippaat Qasigiannuani Aasiannilu nukissiornissamik pisariaqartitsineq, assersuummi tunngaviusumi aammalu Assersuut A-mi.

**Ilusiliaq 4.1: Qasigiannuani Aasiannilu nukissap immikkoortiterneqarnera, assersuut tunngaviusoq**



**Ilusiliaq 4.2: Qasigiannuani Aasiannilu nukissap immikkoortiterneqarnera, Assersuut A**



Assersuut A-mi erngup nukinganik nukissiorfiliornermi katillugit 1.345 mio. koruunik aningaasaliisoqassaaq. Aningaasaliineq ima immikkoortiterneqarsinnaavoq 1.095 mio. koruunit erngup nukinganik nukissiorfimmu turbinne ilanngullugu, netudvidelsemut 92 mio. koruunit 158-illu innaallagiaq kiassarnermut atorneqartoq kipitinneqarsinnaasumut. Aningaasaliissutit allat Assersuut A-mi tassaapput inuinnaat kiassaataat uuliatortut taavalu innaallagiaq kiassarnermut atorneqartoq kipitinneqarsinnaasumut

kiassaait innaallagiatortut. Assersuummi tunngaviusumi aamma Assersuut A-mi Qasigianguani Aasiannilu aningaasaliinerit aningaasaleeqqinnerillu allattorsimaffiat ataani takuneqarsinnaavoq.

**Tabel 4.1: Aningaasaliinermi aningaasartuutit, Qasigianguit aamma Aasiaat**

	Atasinnaassusia	Assersuut tunngaviusoq	Assersuut A
<b>Ergup nukinga</b>	Ergup nukinganik nukissiorfimmu ukiut 80-it kiassarnermullu innaallagissamut kipitinneqarsinnaasumut ukiut 20-t.	Aningaasaliisoqassanngilaq.	1.345 mio. koruuninik aningaasaliineq sullitanut uuliatortunik kiassaatinut kiassarnermut innaallagissamik kipitinneqarsinnaasumik ikkussuineq <b>Maanna nalinga 1.200 mio. koruunit.</b>
<b>Nukissiorfiit dieselitortut</b>	Naatsorsuutigineqarpoq ukiut 30-t	2030-mi QAS-imi nukissiorfik dieselitortoq allineqassaaq 80 mio. koruuninut, 2040-milu AAS-ni nukissiorfik dieselitortoq 5 MW-inik allineqassaaq 94 mio. koruunit. <b>Massakkut nalinga: 135 mio. koruunit.</b>	Aningaasaliisoqassanngilaq.
<b>Inuinnaat kiassaataat uuliatortut</b>	Naatsorsuutigineqarpoq ukiut 30-t	Najugaqareersut uuliatortumik kiassaatillit aningaasaleeqqinnerat  <b>Maanna nalinga 75 mio. koruunit.</b>	Sullitat ungasianit kiassarneqartut aningaasaliinerat. Illut pioreersut uuliatortumik kiassaatillit aningaasaleeqqinnerat <b>Maanna nalinga 100 mio. koruunit.</b>
<b>innaallagiat kiassarnermut atornerqartoq kipitinneqarsinnaasoq</b>	Naatsorsuutigineqarpoq ukiut 20-t	Aningaasaliisoqassanngilaq.	Sullitat pioreersut ungasianit kiassaatillit aamma uuliatortumik kiassaatillit aningaasaleeqqinnerat <b>Maanna nalinga 36 mio. koruunit.</b>

Assersuummi tunngaviusumi illut inuinnarnit pigineqartut kiassaatinik uuliatortunik aningaasaleeqqissapput, Nukissiorfiillu nukissiorfiit marluk dieselitortut aningaasaliiffigissavai. Qasigianguani nukissiorfik dieselitortoq 2030-mi 80 mio. koruuninik aningaasaliiffigineqassaaq, 2040-milu Aasianni nukissiorfik dieselitortoq 94 mio. koruuninik aningaasaliiffigineqassaaq.

#### 4.1.2 Nuummi nukissamik pisariaqartitsinermi tunngavineqartut

Immikkoortuni tulliuttuni assersuummi tunngaviusumi assersuummilu B-mi naatsorsuinerni tunngavineqartut nassuiarneqassapput, assersuutinilu taakkunani taamaallaat Nuummi Utoqqarmiut Kangerluarsunnguanni ergup nukinganik nukissiorfiup allineqarnissaa pineqarpoq.

Nuummi 2050-ip tungaanut ukiumut innuttaasut 1,5 %-imik amerlisarnissaat naatsorsuutigineqarpoq, taassumalu kingorna amerliartorunnaassanganneqarlutik. Nukissiorfiit aamma siornatigut Inuussutissarsiornermut, Nukissiutitut, Ilisimatusarnermut Suliffeqarnermullu Naalakkersuisoqarfiup siornatigut misissueqqissaartarsimanerannut naapertuuppoq. Innuttaasut amerliartornerannik missingersuineq Nuummi nukissamik pisariaqartitsinissamik missingersuinermit atornerqarpoq, illullu amerlassusiisa naatsorsuutigineqartumik amerliartornissaannik naatsorsuinermi atornerqarluni. Illut amerlassusiisa eqqoriarneqarnerannut tunngavineqarpoq

innuttaasut amerliartornerat illumi ataatsimi agguaqatigiissillugu inuit amerlassusiinik eqqoriaanerik ilallugu. Nuummi kiassaait uuliatortut amerlassusiinik eqqoriaanissamut illut amerlassusii atornegarput, kisitsisillu taakku inuinnaat kiassaataasa uuliatortut aningaasaliiffigineqarnerannut ingerlatsinermilu aningaasartuutigineqartarnerannik eqqoriaanermut atornegarlutik.

Nuummi inummut ataatsimut ukiumut innaallagialaq atornegartussaq 5 MWh-ip missaaniissangatinneqarpoq ukiumullu kiassarnermik atuineq 14 MWh-ip missaaniissangatinneqarluni. Nukissiorfiit paasissutissiissutigaat Nuummi ukiumut innaallagissamik 82 GWh-ip missaanik annertutigisumik pilersuisoqartartoq ukiumullu kiassarneq 177 GWh-ip missaaniittoq. Innaallagissamik kiassarnerut ungasianit kiassarnerut innaallagialaq kiassarnermut atornegartartoq kipitinneqarsinnaasutullu atornegartarpoq. Nukissiorfiit missingersorpaat Nuummi kiassarnermik pisariaqartitsinerup 60%-ia matussusersinnaallugu, taannalu tunngavigalugu naatsorsuutigineqarpoq kiassarnermut pisariaqartitsineru sinneruttut 40%-it inuinnaat kiassaataannit uuliatortunit matussuserneqartartut. Tassa katillugit ukiumut 120 GWh. Nuummi nukissamik pisariaqartitsinerup ineriartornera innuttaasut amerliartornerannut malinnaassasoq naatsorsuutigineqarpoq.


Assersuut B-mi Nuummi innuttaasut nutaat erngup nukinganik nukissiorfimmit innaallagissamik pilersorneqarnissaat naatsorsuutigineqarpoq, qullernut, nukimmu innaallagialaq kiassarnermut atornegartartoq kipitinneqarsinnaasumullu pisariaqartitaannik matussusiisussamik. Kingullermut tunngatillugu illut tamarmik innaallagialaq kiassarnermut atornegartartoq kipitinneqarsinnaasumut atortussamik kiisalu kiassaammik uuliatortumik sillimmatissamik aningaasaliinissaat ilaavoq. Assersuummi tunngaviusumi, soorlu aamma Assersuut B-mi taamaattoq, innuttaasut erngup nukinganik nukissiorfimmit innaallagissamik qullernut nukimmullu atugassanik pilersorneqassasut naatsorsuutigineqarpoq. Taamaattorli innuttaasut nutaat assersuummi tunngaviusumi inuinnaat kiassaataannit uuliatortunit kiassarneqassapput, tassami siunissami erngup nukinganik nukissiorfimi innaallagialaq kiassarnermut atornegartartoq kipitinneqarsinnaasumik pilersitsinissamut nukissiorfik periarfissaqanngimmat.

Assersuummi tunngaviusumi, tassani erngup nukinganik nukissiorfik allineqassanngilaq, erngup nukinganik nukissiorfimi nukik maanna pilersinneqartartoq ukiumut 255 GWh ukiumut 185 GWh-imut apparneqassaaq, erngup nukinganik nukissiorfimi pitsaanerpaamik nukissamik pilersitsineq ukiuni aggersuni qularnaarneqarnissaa anguniarlugu. Erngup nukinganik nukissiorfimi nukik pilersinneqartartoq ukiumut 255 GWh tassaavoq imermik killeqanngitsumik peqartillugu innaallagialaq pilersinneqarsinnaasoq annerpaaq, imerli amigalertussaavoq nukissiorfik allineqanngippat imeqarfillu allineqanngippat. Tassa imaappoq, assersuummi tunngaviusumi maanna kiassarneq pilersinneqartartoq innaallagissamik tunngaveqartartoq, piffissap ingerlanerani uulia atorlugu kiassarnermut nuukkiartuaarneqassasoq.


Erngup nukinganik nukissiorfimmit pilersinneqartartoq annikillinera nikisinniarlugu nukissaq pingaarnersiulluni tulleriiaarnilersorneqarpoq (energihierarki). Taanna tassaavoq erngup nukinganik nukissiorfiup innaallagissiornermini nukissamik pisariaqartitsisunik matussusiinissaminut pingaarnersiulluni tulleriiaarinera. Erngup nukinganik nukissiorfimi innaallagialaq ima pingaarnersiorneqarpoq: innaallagialaq qullernut nukinnullu atugassaq, innaallagialaq kiassarnermut atornegartartoq kipitinneqarsinnaasoq ungasianillu kiassarneq innaallagissartortoq.

Pingaarnersuilluni tulleriarineq ima isumaqarpoq innaallagissiornermi annikillisaasoqartillugu siulliullugu ungasianit kiassarnermik innaallagissatortumik appaaneq, taava innaallagiq kiassarnermut atorneqartoq kipitinneqarsinnaasoq, kingorna innaallagiq kiassarnermut atorneqartoq kipitinneqarsinnaanngitsaq naggataatigullu qullernut nukimmullu innaallagiq. Assersuummi tunngaviusumi ungasianit kiassarneq innaallagiatortoq uuliatortunngussaaq, sullissat innaallagiq kiassarnermut atorneqartoq kipitinneqarsinnaasumik pillit kiassaatik uuliatortut atortariaqartassavaat, sullissallu ilaat innaallagiq kiassarnermut atorneqartoq kipitinneqarsinnaanngitsumik atuisut nukissamik pisariaqartitsinerup annertusiartornera ilutigalugu nukissiorfinni dieselitortuni innaallagissamik pilersorneqalissapput. Ilusiliat ataaniittut takutippaat Nuummi nukissiornermik pisariaqartitsinerup ineriartornera assersuummilu tunngaviusumi assersuummilu B-mi nikisitsineq.

**Ilusiliaq 4.3: Nuummi pilersuinerup immikkoortiternera, assersuut tunngaviusoq**



**Ilusiliaq 4.4: Nuummi nukissap immikkoortiternera, Assersuut B**



Nuummi erngup nukinganik nukissiorfiup allinissaanut aningaasaliineq immikkoortunut sisamanut agguataarneqarpoq. Erngup nukinganik aningaasaliineq, turbinet saniatigut, putorsualiorneq ilanngullugu, 978 mio. koruuneqassaaq, turbinemik aningaasaliineq 322 mio. koruunit, innuttaasunut innaallagiq kiassarnermut atorneqartoq kipitinneqarsinnaasoq 126 mio. koruunit, aqqutit amerlisarnissaat atortussallu sillimmatissat 249 mio. koruunit. Aningaasaliinerit katillugit 1.675 mio. koruuniupput. Taakkua saniatigut aamma

Assersuut B-mi nukissiofimmik dieselitortumik sillimmatissamik 90 mio. koruuninik aningaasaliisoqassaaq. Inuinnaat kiassaatominnik uuliatortunik aningaasaleeqqissapput kiassaatinullu qaminneqarsinnaasumik atortunik. Tabelimi ataaniittumi Nuummi assersuutini assigiinngitsuni aningaasaliinerit takuneqarsinnaapput.

**Tabel 4.2: Aningaasaliinerimi aningaasartuutit, Nuuk**

	Atasinnaassusia	Assersuut tunngaviusoq	Assersuut B
<b>Erngup nukinga</b>	Erngup nukinganik nukissiofimmuk ukiut 80-it kiassarermullu innaallagissamut kipitinnegarsinnaasumut ukiut 20-t.	Aningaasaliisoqassanngilaq.	1.675 mio. koruuninik aningaasaliineq, sullitaareersuni uuliatortunik kiassaatilinni qaminneqarsinnaasumik innaallagialersuinerit ilanngullugit. <b>Maanna nalinga 1.500 mio. koruunit.</b>
<b>Nukissiofitt dieselitortut</b>	Naatsorsuutigineqarpoq ukiut 30-t	200 mio. koruuninik dieselitortumik nukissiofimmuk aningaasaliineq 20 MW. <b>Maanna nalinga 235 mio. koruunit aningaasaleeqqinnerit ilanngullugit.</b>	Nukissiofik dieselitortoq sillimatissaanik pilersuisinnaassusiliinermit 90 mio. koruunit. <b>Maanna nalinga 105 mio. koruunit aningaasaleeqqinnerit ilanngullugit.</b>
<b>Inuinnaat kiassaataat uuliatortut</b>	Naatsorsuutigineqarpoq ukiut 30-t	Illut nutaat aningaasaliineri. Illut nutaat aamma illut atareersut uuliatortumik kiassaatillit qaminneqarsinnaasumillu innaallagiallit aningaasaleeqqinneri. <b>Maanna nalinga 375 mio. koruunit.</b>	Illut nutaat aningaasaliineri. Illut nutaat aamma illut atareersut uuliatortumik kiassaatillit qaminneqarsinnaasumillu innaallagiallit aningaasaleeqqinneri. <b>Maanna nalinga 375 mio. koruunit.</b>
<b>innaallagiaq kiassarermut atornerqartoq qaminneqarsinnaasoq</b>	Naatsorsuutigineqarpoq ukiut 20-t	Sullitat pioreersut qaminneqarsinnaasumik innaallagiallit aningaasaleeqqinnerat. <b>Maanna nalinga 3,6 mio. koruunit.</b>	Illut nutaat aningaasaliineri. Illut nutaat aamma illut atareersut uuliatortumik kiassaatillit qaminneqarsinnaasumillu innaallagiallit aningaasaleeqqinneri. <b>Maanna nalinga 240 mio. koruunit.</b>


Assersuummi tunngaviusumi nukissiofimmik dieselitortumik 200 mio. koruuninik aningaasaliisoqassaaq uulia atorlugu kiassarermik innaallagissamillu pisariaqartitsineruleriartornermit matussusiusammik. Taassuma saniatigut assersuutini taakkunani marlunni inuinnaat kiassaataannut uuliatortunut aningaasaliinerit annertulaartukasiupput, kiassaatitullu sillimatitullu atortunut.

## 4.2 Inuiaqatigiit aningaasaqarniarnerat pillugu misissueqqissaarnerup inernerit

Qasigiannuani Aasiannilu erngup nukinganik nukissiorfiliorneq (A) aamma Nuummi allilerineq (B) nukissamik pisariaqartinneqartumik pilersuinissamut inuiaqatigiit aningaasaqarniarnerat eqqarsaatigalugu, assersuummut tunngaviumut sanilliullugu, aningaasartuutitakinnersut misissueqqissaarnerit takutippaat. Tassa imaappoq assersuutit ataatsimoortillugit (C) ataatsimut isigalugu imminut akilersinnaanerpaavoq. Assersuut C inuiaqatigiit aningaasaqarniarneranni ukiut 80-it ingerlaneranni assersuummut tunngaviumut sanilliullugu 40%-imik aningaasartuutitakinneqarvoq. Taamaattorli assersuut C-p pilersinneqarnerani aningaasartuutissat Nuummi allilerinissamut (B)-mut aningaasartuutissanut sanilliullugu 5%-iinnarmik annikinnerupput.

Ilusiliami ataani takuneqarsinnaavoq assersuummi tunngaviumi orussamut aningaasartuutissat tassaasut ataatsimut aningaasartuutissat iluini aningaasartuutaanerpaasut, tulliullutillu aningaasaliinerit ingerlatsinerlu. Ataatsimut isigalugu assersuutini tamani silaannarmik mingutsitsinermit aningaasartuutissat inuiaqatigiit aningaasaqarniarneranni aningaasartuutit ilaannamininnguarigaat takuneqarsinnaavoq

**Ilusiliaq 4.5: Inuiaqatigiit aningaasaqarniarnerannik misissueqqissaarnermi inernerit**



## 4.3 Malussarissutsimut misissuinerit

Tunngaviumut pingaarutillit malussarissusiinik arlalinnik misissuisoqarpoq inernerusut allanngujaassusii nalilersorniarlugit.

### 4.3.1 Orussat akii

Orussat akii (tassa uuliap akia) misissueqqissaarnermi uuttuutaavoq pingaarutilik. Taamaattumillu akip +/- 20 %-imik nikinnissaa, Naalakkersuisunit eqqoriarneqartoq annikitsoq Danmarkimilu Energistyrelsi uuliap akianut naatsorsuutigisai tunngavigalugit malussarissutsimut misissuisoqarpoq.

Uuliap akianut naatsorsuutigineqartunit uuliap akia 20 %-imik annikinnerusutut naatsorsoraanni takuneqarsinnaavoq Qasigiannuani Aasiannilu erngup nukinganik nukissiorfiliorerup (A) assersuutip tunngaviusup imminut akilersinnaassusia assigigaa, malussarissutsimut misissuinerit takutippaat. Nuummi allilerineq (B) kisimiilluni orsussat akiisa allanngornerinut tamanut allanngujaatsuusoq malussarissutsimut misissuinerit takutippaat. Uuliap akiata allanngornerinut Assersuut B inuiaqatigiit aningaasaqarniarneranni imminut akilersinnaasoq malussarissutsimut misissuinerit takutippaat, assersuummut tunngaviusumut assersuut B sanilliukkaanni. Danmarkimi Energistyrelsen uuliap akianut naatsorsuutigisai atoraanni, erngup nukinganik suliniutit inuiaqatigiit aningaasaqarniarnerannut iluaqutaanissaat annertusissaaq.

Malussarissutsimut misissuinerit qulaani taaneqartut saniatigut uuliamut taarsiullugu PtX (Power to X)-imik atuisoqarsinnaanera misissorneqarpoq. PtX tassaavoq teknologi nutaaq innaallagialu atorlugu brintimik (imaluunniit ammoniakimik) pilersitsineq, taannalu kingornatigut uuliamut taarsiullugu orsussanik assigiinngitsunik pilersitsinerimi atorneqarsinnaavoq. Suliarinerani assigiinngitsuni teknologi tamanna nukissamik annertuumik atuiiffiuvoq taamaattumillu aatsaat akikitsuarsuarmik innaallagissamik pissarsinnaatilluni akitigut unammillersinnaalluni. Taamaattumillu aatsaat orsussamik uuliamik akoqanngitsumik uninngatinneqarsinnaasumik pisariaqartitsinerimi orsussaqa taanna atorneqarsinnaavoq.

Anorimit imaluunniit seqinermit nukissamik pilersitsinerimi sinneqartoorutiniq atuiluni PtX-iliornissaq tulluarnerpaassaaq, anorimimmi seqinermillu nukissiorneq allanngorartorujussuusarami. Erngup nukinga tassaavoq nukik ataavartog, taannalu atuneq tunngavigalugu toqqorneqarsinnaanerullunilu aqunneqarsinnaavoq, taamaattumillu ajornanngippat pitsaanerullunilu akikinnerussaaq nukiup taassuma toqqaannartumik atomissaa, PtX-imut allanngortinnagu.


Akit tungaasigut ullumikkut PtX teknologi pigineqartoq atorlugu uuliap akianit 1,5 – 2,5-eriaammik akisuneruvoq<sup>4</sup>. Orsussat akii qaffasippata taava assersuummi tunngaviusumi aningaasartuutit amerlanerungaatsiassapput taamaalillunilu assersuutit A, B aamma C imminnut akilersinnaanerussallutik. Taamaattumik PtX-ip akianut tunngatillugu isumalluarnarnerusumik assersuusiortoqarpoq akit apparnerinut tunngatillugu allanngujaatsuunera misissorniartulugu<sup>5</sup>. Takuneqarsinnaavorli tamanna misissueqqissaarnerup inernerinik allannguinngitsog.

<sup>4</sup> <https://www.nordicenergy.org/article/on-step-closer-to-sustainable-aviation-fuels/>

<sup>5</sup> 2031-mi akiussangatinneqarpoq 6,6 kr./L, uulia PtX-imit taarserneqartutut naatsorsuutiginerarluni.



**Ilusiliaq 4.6: Malussarissutsimut misissuineq, orussat akii**




**4.3.2 Kingumut nalilernissaanut erniat aamma aningaasaliinermi aningaasartuutit**

Kingumut nalilernissaanut erniat 3 aamma 5 % atorlugit aamma aningaasaliinermi aningaasartuutit +/- 20 % aamma 50 % atorlugit malussarissutsimik misissuisoqarpoq. Uani erngup nukinganik aningaasaliineq taamaallaat isiginiarneqarpoq, taannami aningaasaliinerni nalorninarnerpaatut isigineqarmat. Kiassaatinik uuliatortunik nukissiorfinnillu dieselitortunik aningaasaliinerit isumannaatsuunerusutut isikkoqarput.

Erngup nukinganik nukissiorfinni kingumut nalilernissaanut erniat aningaasaliinermilu aningaasartuutit allanngornerinut inernerit allanngujaatsuusut takuneqarsinnaavoq. Tassani takuneqaqqissinnaavoq Nuummi allilileneq allanngujaannerpaasoq, kingumulli nalilernissaanut erniat 5 %-iuppata assersuut A-mi aningaasartuutissat assersuummi tunngaviumi aningaasartuutissat assigipajaaginnassavaat. Aningaasaliinermi aningaasartuutit 50 %-imik annertusippata taava assersuut A assersuummut tunngaviumut sanilliulluni aningaasartuutitaqarnerussaaq. Assersuummi uani taamaallaat Assersuut B suliarineqassaaq.

**Ilusiliaq 4.7: Malussarissutsimut misissuineq, kingumut nalilernissaanut erniat aningaasaliinermilu aningaasartuutit**




### 4.3.3 Innuttaasut amerliartornerat piffissarlu atorneqartoq

Innuttaasut amerliartornerannut naatsorsuutit +/- 0,2 %-point-imik nikisillugit, Misissueqqissaartarfiullu naatsorsuutigisai naapertorlugit innuttaasut 0,7 %-imik amerliartornissaat tunngavigalugu malussarissutsimut misissuisoqarpoq. Inernerusut allannguutinit taakkunannga allannguuteqanngillat.

Piffissaq atorneqartup ukiunut 30-nut aamma ukiunut 60-inut<sup>6</sup> allanngortinneqarnera assersuutit inissisimanerannik allannguingilaq.

**Ilusiliaq 4.8: Malussarissutsimut misissuineq, innuttaasut amerliartornerat piffissarlu atorneqartoq**




### 4.3.4 CO<sub>2</sub>-mut aningaasartuutit, innaallagissamik atuinerulerneq nukissallu pilersinneqarsinnaasup annertussusiata naatsorsornera

CO<sub>2</sub>-mut aningaasartuutit inuiaqatigiit aningaasaqarniarnerannut ilanngukkaanni qanoq kinguneqassanersoq aamma malussarissutsimut misissuinermi ilanngunneqarpoq, illoqarfinnilu pingasuni biilit tamarmik innaallagiatortunngortinnerisigut innaallagissamik atuinerulerneq misissorneqarpoq. Imeqarfiup allanngorneratigut nukissaq pilersinneqarsinnaasoq allannguuteqassappat qanoq sunniuteqassanersoq aamma misissorneqarpoq. Nuummi assersuutip tunngaviusup aamma Assersuut A-p Qasigiannuanut Aasiannullu atuuttup malussarissusiinik misissuisoqarpoq. Assersuut B misissorneqanngilaq, tassami Nuummi erngup nukinganik nukissiorfiup allineqarneratigut imeqarfik allissaaq, ukiumiillu ukiumut allannguutit erngup nukinganik nukissiorfimmitt innaallagissiornermut tamarmut sunniuteqarnaviangilaq.

Takuneqarsinnaavoq allannguutit taakku assersuutit nalilersorneqarnerannut sunniuteqanngitsut, annikinnerusumilli pilersitsisinnaanerup assersuut A assersuummut tunngaviusumut qanillissavaa.

<sup>6</sup> Erngup nukinganik nukissiorfik ukiuni 80-ni atasinnaassanganineqarpoq, tassa ukiunut 20-nut 60-inullu aningaasaliineri assigiimmik alliarortoq ilanngunneqarpoq.

**Ilusiliaq 4.9: Malussarissutsimut misissuineq, CO<sub>2</sub>, innaallagissamik atuinerulerneq ergullu nukinganik nukissiorfinni nukissiornerulerneq**



#### 4.4 Inuiaqatigiit aningaasaqarniarnerannik misissueqqissaarnerup inernerit

Assersuutit ataatsimoortinnerat (C) inuiaqatigiit aningaasaqarniarnerannut aningaasartuutitakinneqarpoq inuiaqatigiit aningaasaqarniarnerannut misissueqqissaarnerup takutippaa, assersuummilu tassani assersuummut tunngaviusumut sanilliullugu aningaasartuutit 40 %-ip missaanik appasinnerupput.

Nuummi allilerineq (B) kisiat eqqarsaatigalugu assersuummut tunngaviusumut sanilliullugu 35 % aningaasartuutitakinneqarpoq, uuttuutillu pingaarutillit allannguutaannit sunnerneqarpiarnaviarani, uuttuutit soorlu orsussat akii, aningaasaliinermit aningaasartuutit, innuttaasut amerliartornerat il.il. Malussarissutsimut misissuinerup takutippaa allannguutit sugaluarpataluunniit Nuummi allilerinissaq tamatigut assersuummit tunngaviusumit imminut akilersinnaanerusoq.

Qasigiannuani Aasiannilu erngup nukinganik nukissiorfiliorneq (A) assersuummut tunngaviusumut sanilliullugu 5 %-ingajammik aningaasartuutitakinneqarpoq taamaalillunilu assersuut B-mut sanilliulluni malussarinnerulluni. Aatsaalli uuliap akia 20 %-ip missaanik apparpat imaluunniit aningaasaliinermit aningaasartuutit 50 %-imik annertusippata Assersuut A assersuummit tunngaviusumit imminut akilersinnaannginnerulissaaq.

### 5 Ingerlatsinermit aningaasaqarneq

#### 5.1 Ingerlatsinermit aningaasaqarnermik misissuineq

Misissuinerit ingerlatatta takutippaat pilersuinermit suliffeqarfimmi pisortanit pigineqartumi, assersuusiani ataasiakkaani ingerlatsinermit aningaasaqarnerup kingunerisinnaasaat. Nukissiorfiup massakkut suliarisartagaat assigalugit suliffeqarfimmi pisortanit pigineqartumi ingerlatsisoqarnissaa misissuinermit naatsorsuutigineqarpoq.

Assersuusiat ataasiakkaat aallaavigalugit ingerlatsinermit aningaasaqarnerup toqqaannangitsumik kingunerisinnaasaasa sunniutigisinnaasaat naatsorsornissaat anguniarlugu uku naliliiffigineqarput:

- Isertitatigut allannguutit
- Ingerlatsinermit aserfallatsaaliinermullu aningaasartuutini allannguutit
- Orsussat akiini allannguutit
- Aningaasaliinermi aningaasartuutini allannguutit

Ingerlatsinermit aningaasaqarnerup kingunerisinnaasaanik naatsorsuineq, suliffeqarfimmi pisortanit pigineqartumi taamaallaat atuutsinneqarpoq. Tamassuma kinguneraa, sulialinnut allanut toqqaannangitsumik aningaasaqarnerup tungaatigut kingunerisinnaasaat sugaluarnersut isiginiarneqannginneri il.il.

Missingersuutitut piffissaritinneqartumi, ingerlatsinermit aningaasaqarnerup kingunerisinnaasaanik ukiut tamaasa naatsorsorneqarput, 2021-mi missingersuutitut naleqqiullugit. Ullumikkut nalinginut naatsornissaat anguniarlugu, ingerlatsinermit aningaasaqarnerup tamakkiisumik kingunerisinnaasaat kingumut naatsorsorneqarput.

Inuiaqatigiinnut aningaasaqarnikkut sunniutigisinnaasaannik misissuinermissulli, isertitat aningaasartuutillu assersuusiani sisamani assigiittunilu isiginngitsuusaarpavut - isertitat aningaasartuutillu piusut, ikuallaanermut atatillugu isertitat aningaasartuutillu, aningaasaliinermi aningaasartuutit ilanngullugit il.il.

Immikkoortumi tulliuuttumi, ingerlatsinermit aningaasaqarnerit misissornerisa inernerit saqqummiunneqassapput.

## 5.2 Naatsorsuutigisat tunngaviusut

Inuiaqatigiit aningaasaqarniarnerannik misissuinermissulli, ingerlatsinermit aningaasaqarnermik misissuinerit naatsorsuutigineqartut assigiipput. Tulliuuttumi nassuiarneqassapput, ingerlatsinermit aningaasaqarnikkut kingunerisinnaasaanik kisitsinermit naatsorsuutigineqartut pingaarutillit, suliffeqarfimmi pisortanit pigineqartumi aammalu inuiaqatigiit aningaasaqarniarnerannik misissuinermit naatsorsuutigineqartunit allaanerusut.

Taamanikkornissaanut suliffeqarfiup nalaatasaanut tunngatillugu, akit piffissani taakkunani akigititaasussat naatsorsuutigineqarput, suliffeqarfimmi pisortanit pigineqartumi aningaasaqarnikkut kingunerisinnaasaanik naatsorsuinermit, 'Inuiaqatigiit aningaasaqarneranni sunniuteqaatissanik naliliinermi saqqummiussinissamat ilitsersuut'-itut ingerlatsinermit aningaasaqarnermik misissuineq ingerlanneqarpoq. Ukiut tamaasa aningaasat naleerukkiartornerat 1,5 %-imik allisarnissaa naatsorsuutigineqarpoq.

Ingerlatsinermit aningaasaqarnerup misissornerani, missingersuutit piffissarittaa ukiunut 30-nut naatsorsuunneqartoq, siullermillu 2021-mi missingersuutilimmi, inuiaqatigiit aningaasaqarniarnerannik misissuinermit ukiut 80-it naatsorsuutigineqarput.

Aningaasaliinermi aningaasartuutitut tunngatillugu kisitsinermit naatsorsuutaavoq atornermit erniat 1,5%-iussasoq. Aningaasaliinermi aningaasartuutinik kisitsinermit nassuiaatit ersarinnerusut immikkoortoq 6-imi takuneqarsinnaapput.

Ingerlatsinermit aningaasaqarnerup misissorneqarnerani, kingumut naliliinermit erniat 2,5%-it naatsorsuutigineqarput. Pilersuinermit suliffeqarfiup pisortanit pigineqartup malittarisassai tunngavigalugit aammalu killilersuisutut atuuttoq malillugu, kingumut naliliinermit erniaritinneqartoq ilaatigut tunngaveqarpoq - tassungalu naatsorsuutaasoq pilersuinermit suliffeqarfimmi suliat "namminermi qasuersertutut" tunngaveqassammata.

Isertitanut allannguutaasussanut naatsorsuinermit uku naatsorsuutaasut pingasut tunngaviupput:

- Siunissami nukissiornerit naatsorsuutaasut
- Nukissiorfimmiit atuisumut nukimmik annaasaqarnerit
- Atuisup pisiassamut akiliutigisaa

Siunissami nukissiornerit naatsorsuutaasut, inuiaqatigiinni aningaasaqarnikkut sunniutissaasa misissornerini atorineqartut aallaavigaat. Nukimmik annaasaqarnerit 4% aamma 15% naatsorsuutigineqarput innaallagissamut aammalu allami pilersitamit kiassarnermut. Naatsorsuutigineqarput akigitinneqassasut 1.650 koruunit aamma 740 koruunit MWh-imut tunniunneqartumut. Innaallagissap kiassarnermut atorineqartup kipitinneqarsinnaasup akia 640 koruunit MWh tunniunneqartumut naatsorsuutigineqarpoq.

Ikummatissanut aningaasartuutissanut naatsorsuinermit, siunissami orsussamik atuinissamik naatsorsuut aammalu siunissami uuliap akia naatsorsuutaasoq tunngaviupput. Siunissami uuliap akia, inuiaqatigiinnut aningaasaqarnikkut kingunerisassaasa misissornerani atorineqartut assigalugit naatsorsuutaavoq. Imaappoq, uuliap literimut akia 2021-mi 5,4 koruunit naatsorsuutaavoq aammalu Naalakkersuisut 2021-mut kisitsineri malillugit ukiumut akitsortarnissaat naatsorsuutaapput.

Pigisat ataasiakkaat naleerukkiartuutaasa piffissarititaat, Nukissiorfiit isumaqatigalugit inissinneqarput. Najugaqareersunut, kiassarnermut kipitinneqarsinnaasunut allanngortiterinerit aningaasartuutit suliffeqarfimmit pisortanit pigineqartumit akilerneqassapput, ukiunilu qulini naleerukkiartortussatut inissitaallutik. Sanaartukkanut aningaasaliinernut tamanut, ukiut tamaasa assigiimmik annertussuseqartumik naleerukkiartortussatut inissitaapput. Taassuma saniatigut naatsorsuutigineqarpoq aningaasaliinernut aningaasartuutit, erngup nukinganik nukissiorfiliornernut tunngasut 2027-miit naleerukkiartortinneqassasut, Nuummi, Aasianni Qasigiannuanilu sanaartornerit naammassisimalerpata, illuatungaanilli sanaartukkat sillimmatit ukioq taanna sanaartorfiusumit naleerukkiartortinneqartassasut.

### 5.3 Inernerit

Ingerlatsinermit aningaasaqarnerup misissornerata tunngaviumik inernerit, inuiaqatigiit aningaasaqarniarnerannik misissuinerup inernerit malippaat. Ingerlatsinermit aningaasaqarnerup allannguutit tamakkiisut ullumikkut nalingi, ataani ilusilersukkami saqqummersinneqarput, ersarinnerusumillu saqqummersinneqarlutik Tabel 5.1-imi.

**Ilusiliaq 5.1: Ingerlatsinermi aningaasaqarnikkut inernerit**



(Assersuut tunngaviusoq. Assersuut A, B, C. Isertitat allannguutaat. Aningaasaliissutinut aningaasartuutit. Ingerlatsinermit aningaasartuutit allannguutaat. Ingerlatsinermit aningaasaqarnerup inernerisa allannguutaat.)

Takuneqarsinnaasutut assersuut C ataatsimut isigalugu imminut akilersinnaanerpaatut inissimavoq pilersuinermit suliffeqarimmumut pisortanit pigineqartumut. Taakkulu annerusumik ukunangga tunngaveqarput:

- Nuummi inuttusiarternera kiassaateqarfiillu uuliatortut allanngornerisigut, innaallagialaq kipitinneqarsinnaasoq atorlugu kiassarnermit isertitat annertunerulingaatsiarnissaat tunngaviginerullugit.
- Aasianni Qasigianguanilu erngup nukinganik nukissiorfiliornikkut orsussamut aningaasartuutit annertujaamik annikillinerisigut.
- Isertitat annertunerusut aningaasaliinernut aningaasartuutinit aammalu toqqaannangitsumik ingerlatsinermit aserfallatsaaliinermullu aningaasartuutinit tamakkiisunit annerungaatsiarneri.

Assersuutit B aamma C assersuummit tunngaviusumit annertujaamik pitsaanerupput. Taamaallunilu Utoqqarmiut Kangerluarsunnguani nukissiorfiup allilerneqarnerata kinguneranik toqqaannangitsumik ingerlatsinermit aningaasaqarnerup kingunerisassaanik pitsaanerusumut peqqutaalluni.

Assersuut A assersuutit B aamma C-mut sanilliullugu imminut akilersinnaannginneruvoq, tassungalu peqqutaanerupput nuummi kiassarnerup toqqaannangitsumik orsussamut aningaasartuutit annertuneruneri aammalu nuummi kiassaateqarfiit allanngortiternerinit isertitassat annikinneruneri peqqutaapput.

**Tabel 5.1: Ingerlatsinermut aningaasaqarnerup inernerri**

Ingerlatsinerup aningaasaqarnerup inernerisa allannguutaasa ullumikkut nalingi (mio koruunit)	Assersuut tunngavius oq	Assersuut A	Assersuut B	Assersuut C
Isertitat allanngorneri, Nuuk	646	646	4.094	4.094
Isertitat allanngorneri , QAS-AAS	-	766	-	766
<b>Isertitat allanngorneri, katillugit</b>	646	1.412	4.094	4.860
Ingerlatsinermi aningaasartuutit allanngorneri (orsussaq ilanngunnagu) Nuuk	272	272	154	154
Ingerlatsinermi aningaasartuutit allanngorneri (orsussaq ilanngunnagu), QAS-AAS	4	165	4	165
<b>Ingerlatsinermi aningaasartuutit allanngorneri (orsussaq ilanngunnagu) katillugit</b>	276	436	158	319
Orsussamut aningaasartuutit allanngorneri, Nuuk	1.486	1.486	76	76
Orsussamut aningaasartuutit allanngorneri, QAS-AAS	84	(808)	84	(808)
<b>Orsussamut aningaasartuutit allanngorneri, katillugit</b>	1.570	678	160	(732)
Aningaasaliinernut aningaasartuutit, Nuuk	170	170	1.522	1.522
Aningaasaliinernut aningaasartuutit, QAS-AAS	97	1.153	97	1.153
<b>Aningaasaliinernut aningaasartuutit, katillugit</b>	267	1.323	1.619	2.675
Ingerlatsinermut aningaasaqarnerata allanngorneri, Nuuk	(1.282)	(1.282)	2.342	2.342
Ingerlatsinermut aningaasaqarnerata allanngorneri, QAS-AAS	(185)	256	(185)	256
<b>Ingerlatsinermut aningaasaqarnerata allanngorneri, katillugit</b>	(1.467)	(1.026)	2.158	2.598
Assersuummit tunngaviusumit assigiinngissut	-	441	3.624	4.065


## 5.4 Malussarissutsimik misissuinerit

Ingerlatsinermut aningaasaqarnerup misissorneratigut allannguusaasuseq nalilersorneqarpoq, naatsorsuutaasut qitiusut malussarissutsimik misissuiffigineri arlallit aallaavigalugit. Tulliuttuni malussarissutsimik misissuiffigineri ersarinnerusumik nassuiarneqarput.

### 5.4.1 Aningaasap nalikilliarternera aamma kingumut nalilernissaanut erniat

Malussarissutsimik misissuinerit aningaasap nalikilliarternerinut inissisimaffiit (0% aamma 3%) aammalu kingumut nalilernissaanut erniat (1,5 % aamma 3,5 %) assigiinngitsut atorlugit ingerlanneqarput, taakku naatsorsuutiginninnerit ingerlatsinermut aningaasaqarnermut kingunerisassaanik naliliinermut apeqquataaqaangaatsiartarmata.

**Ilusiliaq 5.2: Malussarissutsimik misissuineq, aningaasap nalikilliarternera aamma kingumut nalilernissaanut annertussuseq**




Ilusilersukkami 5.2-mi ingerlatsinermut aningaasaqarnerup inernerisa ullumikkut nalinga naatsorsuutigineqartuni allannguutit takutinneqarput. Aningaasap nalikilliarternera kingumullu nalilernissaanut atatillugu malussarissutsimik misissuinerit assersuusi at inissisimaffiini allannguingitsoq takutinneqarpoq.

#### 5.4.2 Orussat akii aningaasaliinissamullu aningaasartuutit

Orussanut aningaasaliinissamullu aningaasartuutit, qulaani takutinneqartut, ingerlatsinerup aningaasaqarneranut sunniutaanissaanut naatsorsuutigineqarluinnarput.

**Ilusiliaq 5.3: Malussarissutsimik misissuineq, orussat akii aningaasaliinermullu aningaasartuutit**



Ilusilersugaq 5.3-mi takutinneqartut, erngup nukissiorfiliornermut aningaasaliinermut aningaasartuutit annertusineri assersuutit B aamma C ingerlatsinermut aningaasaqarnerisa nikinganeri assigiissilissavaat. Erngup nukissiorfiliornermi aningaasaliinermut aningaasartuutit 50%-imik annertusippata, assersuut B assersuut C-mit imminut akilersinnaanerulissaaq.

Orussat akiisa appariarnerisigut assersuutit B aamma C assigiitsilissavaat - kisianni aningaasaliinermut aningaasartuutit annertusinerinit annikinnerusumik. Allaat orussat akiisa 20%-imik qaffariarneqaraluarpata taamaalilluni assersuut C assersuut B-mit imminut akilersinnaanerussaqaq.


#### 5.4.3 Atukkiinermi erniat aamma innuttaasut amerliarternerat

Aammattaaq naatsorsuutigisat atuuttut aallaavigalugit malussarissutsimik misissuinerit aningaasaliinermut aningaasartuutit (2,5% aamma 4,5%) aamma



nuummi inuttuseriarnermut (0% aamma 2%) naleqqiullugit ingerlanneqarput.

**Ilusiliaq 5.4: Malussarissutsimik missuineq, atornermut erniat aamma innuttaasut amerliartornerat**



Takutinneqartut aningaasaliinermut aningaasartuutit 4,5% imminut akilersinnaassusianut apeqqutaaqataangaatsiassaaq - taamaakkaluortoq assersuutit pingaarnersiorneri nikisinnaviarnagit.

Nuummi innuttaasut amerliartornerannut atatillugu assersuutit B aamma C imminut akilersinnaassusiinut sunniuteqangaatsiarsinnaavoq. Taamaalliluni Nuummi inuttuseriartoqanngippat (0%) assersuut B ingerlatsinermi aningaasaqarnerata iluanaarutissaralua atorunnaassammat aammalu assersuut C appariangaatsiarluni. Assersuutilli taakku marluk assersuummit tunngaviusumit imminut akilersinnaanerussapput.

**5.5 Ingerlatsinermit aningaasaqarnerup misissornerani inerniliussa**

Ingerlatsinermit aningaasaqarnerup misissornerata takutippaa, Utoqqarmiut Kangerluarsunnguanni erngup nukinganik nukissiorfiata allilerneqarnera aammalu Aasianni aamma Qasigianguani erngup nukissiorfiliortoqarneratigut, ataatsimut isigalugu pilersuinermit suliffeqarfimmut pisortanit pigineqartumut imminut akilersinnaanerpaasoq. Tamannalu inuiaqatigiit aningaasaqarniarnerannik misissuinermi inernerusut assigalugit inuiaqatigiinnut aningaasaqarnikkut aningaasartuutikinnerunissaat takutippaat.

Naliliiffigineranut pissutsit atuuttut pingaarutillit pingasuupput aalajangiisuusullu assersuutit sisamat akornanni pingaarnersiunermit:

- Nuummi innuttaasut amerliartornerannit isertitat annertusineri aammalu pisortat kiassarnermik pilersuilernerannut allannguutit.
- Orsussamut aningaasartuutinik sipaarneq.
- Toqqaannangitsumik ingerlatsinermit aningaasaqarnerup iluanaarutaat aningaasaliinermut aningaasartuutinit amerlaneruneri.

Utoqqarmiut Kangerluarsunnguanni erngup nukinganik nukissiorfiup allilerneqarnera taamaallaat aallaavigissagaanni, assersuut B taamaalliluni toqqaannangitsumik ingerlatsinermit aningaasaqarneranik, pilersuinermit suliffeqarfimmut pisortanit pigineqartumut pitsaasumik kinguneqartitsiisaaq.

Naatsorsuutigisaasut atorneqartut aallaavigalugit allannguutit annertuut taamaalilluni takutippaat inernerit allanngujaatsuuneri. Taamaalilluni aatsaat sanaartornermi aningaasartuutit pilersaarutaasut 50%-imik annertusippata assersuut C assersuut B-mit ingerlatsinermut aningaasaqarnerup iluanaarutissaat annikinnerulernissaat.

## 6 Akiitsut ineriartornerannik misissueqqissaarneq

Soorlu qulaani nassuiarneqartoq assersuutit saqqummiunneqartut akornanni aningaasaliissutigineqassamaartut annertussusii assigiinngitsorujussuupput. Tamanna tunngavigalugu assersuutini saqqummiunneqartuni aningaasaliissutit nunatta karsiata tamakkiisumik akiitsuinut qanoq sunniuteqassanersoq naatsorsorneqarpoq.

Naatsorsuinerni naatsorsuutigineqarpoq Namminersorlutik Oqartussat malittarisassat malillugit akiitsoqalernissaat, taamaalioreernerimikkullu pilersuinermit suliffeqarfimmut pisortanit pigineqartumut Statskasselån-imik taarsigassarsisitsinissaat. Pilersuinermit suliffeqarfimmut pisortanit pigineqartumut Statskasselån taarsigassiissutigineqassaaq, Namminersorlutik Oqartussat taarsigassarsinerminni piumasaqaatit malitassaat assigalugit.


Ataaniittuni naatsorsuinitinni assersuutini sisamaasuni aningaasaliissutigineqassanganneqartunut toqqaannanngitsumik kingunerisassai taamaallaat ilannguppavut – taamaattumillu akiitsooreersut naatsorsuinerni ilaatinneqanngillat.

Siunissami akiitsut ineriartornissaat assersuutinut sisamanut immikkut naatsorsorneqarput ataani naatsorsuutigisat tunngavigalugit.

- Taarsigassarsiat 30 %-ii ukiuni 20-ni taarsersugassaanngitsut piumasaqaataavoq, sinnerilu 70 %-ii ukiuni 20-ni naafferartumik assigiimmik taarsersorneqassallutik.
- Aningaasaliinermi taarsigassarsisoqassaaq – utaqqiisaasumillu atortoqarsinnaaneranut aningaasartuutit ilaatinneqaratik.
- Taarsigassarsinerminni erniat 1,5 %-iupput.

Immikkoortoq 4-mi aningaasaliinissat tunngavigalugit akiitsut sinneruttut 2050-ip tungaanut ineriartornerat ilusiliami ataani takuneqarsinnaapput.

**Ilusiliaq 6.1: Akiitsut**



Soorlu ilusiliami takuneqarsinnaasoq akiitsunut sinneruttunut assersuutit sisamat assigiingitsorujussuarmik sunniuteqarput. Pingaartumik assersuut C akiitsoqalernerumut annertusititsingaatsiarpoq.

Akiitsoqalernerup annersaa sanaartugassanik aningaasaliinerni 2026-p tungaanut pisuni pissaq. Akilersuinissamut taarsersuinissamullu piumasagaataasut tunngavigalugit 2050-mi akiitsut (netto rentebærende gæld), ukiumi missingersuiffiusumi kingullermi, 0-iussaaq imaluunniit 0-ingajaassaaq. Assersuummi tunngaviusumi aamma assersuummi B-mi 2040-mi annertuumik aningaasaliisoqartariaqassaaq nukissiorfiit dieselitortut maanna atorneqartut aserfallatsaalinissaannut, akiligassaviillu assersuutini taakkunanani 2050-mi 82 mio. koruuniussapput. Assersuummi A-mi aamma C-mi akiligassaviit akilersorneqareersimassapput siulleg 2045-mi aappaalu 2046-mi.

**Table 6.1. Akiitsorneq**

Akiligassaviit (mio. koruunit )	2021	2022	2023	2024	2025	2026	2027	2028	2029	2030	2035	2040	2045	2050
Ass. tunngaviusoq	-	-	-	-	215	208	200	193	185	271	217	289	149	82
Assersuut A	-	-	356	1.030	1.594	1.537	1.479	1.422	1.364	1.307	1.019	732	-	-
Assersuut B	25	282	1.135	1.546	1.668	1.688	1.623	1.558	1.493	1.521	1.179	965	176	82
Assersuut C	25	282	1.491	2.576	3.047	3.017	2.902	2.787	2.672	2.557	1.982	1.407	27	-